

中國方志叢書·華中地方·第五四號

據

明·徐待聘等修
明萬曆三十四年刊本

影印

浙江省

上虞縣志



5-17/04
成文出版社有限公司印行



10096601

中華民國七十二年三月臺一版

上虞縣志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

美談表其言詞解釋部事徵浮還京師免歸鄉里太守劉寵舉就孝廉仕至光祿主事

晉嵇紹字延祖康之子以父得罪幽居杜門山濤薦于武帝詔徵為秘書丞紹始入洛或謂王戎曰時於稠人中見嵇紹昂然若野鶴之在雞群戎曰君復未見其父耳裴頠亦深器之每曰使延祖為吏部尚書可使天下無復遺才矣惠帝復辟遷侍中常詣齊王問諮事遇問燕會召重友等共論時政友言於問曰嵇侍中善練竹

公可全操之左右進琴紹推不受罔曰今日為
驩卿何若此耶紹對曰公匡復社稷當執物作
則垂之於後紹雖虛鄙忝備常伯腰綬冠冕鳴
玉殿省豈可搢執絲竹以為伶人之事若釋公
服從私宴所不敢辭也罔大慙艾等不自得而
還及朝廷有北征之役天子蒙塵王師敗績於
蕩陰百官侍衛莫不潰散惟紹儼然端冕以身
捍衛兵交御輦飛箭雨集紹遂被害於帝側血
濺御服天子深哀嘆之及事定左右欲浣衣帝

曰此祕侍中血刃去

謝邈字茂度性剛鯁無所屈撓累遷侍中時孝武帝醕樂之後多賜侍中文詔詞義有不雅者邈輒焚毀之他侍臣被詔者或宣揚之論有以此多邈後為吳興太守孫恩之亂為賊所執邈至北而邈厲志曰我不得罪天子何北面之有遂被害

謝琰字境度安之子以破苻堅功封望蔡公右將軍右僕射時孫恩逃海島朝廷愛之以琰為會

楷內史都督五部軍事賊至琰敗績與二子俱
被害詔以琰父子隕於君親忠孝萃於一門贈
琰侍中司空謚忠肅三子肇峻混肇歷驃騎參
軍峻以琰勲封建昌侯及沒於賊詔贈肇散騎
常侍峻散騎侍郎混別有傳

宋豐治禮部尚書清敏公稷之孫建炎中高宗駐
蹕淮陽金人入境時治監轉般倉死之紹興十
一年詔褒其忠錄子誼為將仕郎

劉漢衡字正甫昌齡子其先金華人十世祖仕吳

原
稿
缺

爲殿中丞左遷象山令道上虞因家焉登宋嘉定七年進士用大臣薦入館時理宗欲勉戚里以學詔皇后宅置講官漢弼首被選慨然嘆曰三館清流出入貴戚之門豈惟辱其身是辱其官也力辭不就說書崇政殿默寓規諫爲上簡汪擢監察御史入謝上獎諭曰以卿純實不欺故此親擢時宰相史嵩之引拔私人布列要途葉賁濮牛南皆其腹心公劾之不少貸疏留中不出遂抗章避位東歸嵩之專恣日甚上亦患

苦之曰漢弼正色不撓是可屬任者以太常少卿召之時臺諫劉晉之王瓚胡清獻龔基等揣知上意將有易置亟請寢漢弼新命上怒逐四人擢漢弼左司諫兼侍講復除侍御史首疏五事且謂權臣以父憂去謀爲起復一時臺諫既不能發一言反忌言者時執政金淵從官鄭起潛濮牛南而下八人蠹害朝政悉擊去之又論馬光祖奪情總餉實嵩之預爲引例之患力申其奸又密奏二疏乞令宰臣終喪早定相繼

引漢王氏晉賈充爲喻言甚剴切上將大用之
竟以戶部侍郎卒贈中奉大夫勅紹興府給喪
事御筆賜土田贍其家謚忠公表所居坊曰忠
諫蔭子怡爲婺州太守祀鄉賢

趙良坦字平甫號平心宋楚王元佐十世孫寶祐
二年擢進士知永嘉瑞安福清並以廉介名會
吉廣二王走閩中改元景炎以良坦爲軍器監
贊軍事於是募兵守禦大兵南指力屈就擒帥
脅之不肯降拘獄中二年作書付其家曰試令

三載無愧於心守節二年不屈於敵只因忠義
二字累及老稚一門帥歸自南泉詰其不屈之
狀則曰生爲宋臣死爲宋鬼速求一死遂欣然
就戮人皆壯之祀鄉賢子友沂以學行聞

趙良坡字深甫良坦兄宋咸熙乙丑進士命守禦
廣州爲元兵生獲欲降之不屈元將義之放歸
隱西溪雪水稱雪水先生踰年元將思其賢復
索而得之欲薦于朝良坡終不屈怒曰吾爲元
將令左右刃之良坡大呼曰我得死所矣遂伸

頸受戮顏色自如其子友直同榜進士聞難泣
血冒刃歸視葬西溪湖眠牛山廬墓終隱焉所
居有視清亭戒子孫世勿仕元其子季忠季恕
薄元不仕後至正間有舉良坡鄉賢者二子不
從曰吾祖生旣耻食元粟歿豈享元祀蓋有祖
父遺風焉

明謝澤字時用永樂戊戌進士授刑部主事考讞
精密獄無冤滯同列皆服其詳慎會戶部侍郎
周忱經畧東南運賦薦澤爲已副居淮淞數年

勞績茂著遷廣西右叅政佐柳侯征夷招撫全
活者以萬計當是時澤與甄完胡智皆以藩憲
有聲人稱越中三良云正統十四年虜內訌北
邊戒嚴朝廷擇才望守要害賢臣有受命者
巧爲規避而澤以九載考績待除闕下遂拜澤
通政使提督居庸白洋等關是時駕已北狩
京師軍伍空虛澤單騎以往其子儼送之出境
執其手訣曰吾必以死報國矣旣抵關上士卒
方散亂不知通政爲何官無一人出迎者澤乃

宣勅旨將士稍集然皆悞怯不振頃之虜大入
吏卒皆散走獨澤猶率羸卒殿山口且拒且却
或請移他關姑避其鋒澤曰吾受國恩三十年
此豈偷生日耶會風起沙塵漲天人馬不能辨
得却走入關南佛寺中門急猝不暇閉虜突至
澤端立厲聲叱之遂遇害虜騎方充斥其僮由
吉抱澤尸匿亂尸中始得歸 朝廷嘉其忠詔
賜祭葬錄其子儼大理評事曾孫元順正德丁
丑進士終工部郎中

韓銑字日章中成化丙午順天鄉試出守荊門州
陞韶州府同知當道委征勦連山等砦時賊勢
猖獗竭力行間遂遇害 詔贈知府錄子入監

直諫

韓子曰勁汰之士與當塗之人不可兩存之仇
也當塗之人擅事要而勁汰之士不憚析肝瀝
膽以繩其外自非忠貞天植能爾乎此即得一
士猶難而近觀虞邑是何湊合之奇也志直諫
葉經字叔明嘉靖壬辰進士授福州府推官丁父

憂甯補常州廩有風裁召拜御史時禮部尚書
嚴嵩受諸藩賄濫予封爵抗疏劾之寔欲杜其
入相也嵩既切齒後復列其十惡尤深憾之已
而按山海關按僻行營將吏竦懾癸卯再按山
東曾中丞王副使冒築城功輒自建祠據泐毀
之不少徇東平有尚書子橫州里立捕治抵罪
遠近肅然是年以監臨典鄉試發策以比虜內
侵禦應失當封爵冗濫征求四出財竭民困爲
言錄上以語含譏訕下禮部議嵩因摘錄中有